

Avant tschinquanta onns

La Svizra e la crisa da Cuba

■ (gsc) Ils 23 d'october 1962 ha colonel Pierre Musy (1910-1990), schef da la partiziun infurmaziun dal stab general svizzer, tramess a plis uffiziers in rapport confidenzial, entitulà «La crisa da Cuba» (dodis.ch/30211). El rapportava e commentava che l'Unìun sovietica haja gist installà sin l'isla da Cuba missils che pussibileschian da tutgar ina gronda part da l'intschess dals Stadis unids (SU). Musy manejava che quels missils na dettan blers avantatgs novs a Moscau, damai che l'armada sovietica possia gia cuntanscher ils SU cun ses novs missils intercontinentals. Musy: «La fatschenta da Cuba, demonstraziun militara, serva cunzunt per finamiras politicas. Ella po per exempel incitar ils Americans ad acceptar in cumpromiss a Berlin.» La «DDR» aveva erigi ses mir in onn pli baud, ils 13 d'avust 1961. Ma la conclusiun da Musy deva da patregar: «La fatschenta da Cuba n'augmenta betg ils privels da 'guerra intenziunada', mabain quels da 'guerra casuala', e quai a moda relevanta. [President] Kennedy na po numnadamain betg pli ceder. El sto decretar e realisar ina bloccada efficazia da l'isla, tant pli cun las impurtantas elecziuns imminentes en ils Stadis unids, nua ch'el e sia partida n'astgan betg pli perder la fatscha.» Oz san ins ch'il privel da guerra è stà propi fitg grond.

Agid diplomatic als Stadis unids

Washington aveva gia reagì. Per cletg puschevan els SU profitar da la prechienscha a La Havana da l'ambassadur svizzer Emil Stadelhofer (1915-1977). Ils 4 da schaner 1961 aveva il Ministeri american da l'exteriur suppligà Stadelhofer en tutta furma da «surpligiar la represchentaziun diplomatica e consulara a Cuba en num da la regenza dals Stadis unids» (dodis.ch/15005). Quai fa dal rest anc adina l'ambassada svizra a La Havana. 1962 ha lezza incumbenza pretendì bler engaschi diplomatics. Ils 23 d'october ha Stadelhofer survegì in telegram da ses departament che l'infurmava d'in raschiens «sehr ernst» (dodis.ch/19007) a Washington tranter August Lindt (1905-2000), il collega diplomat a Washington, e Dean Rusk (1909-1994), minister american dals affars exteriurs; lez giavischava ina discussiun tranter Stadelhofer ed il dictatur cuban. Finalmain, ils 28 d'october, ha U Thant (1909-1974), secretari general da l'ONU, cuntanschi ina cunvegna tranter las duas pussanzas; Moscau ha lura allontanà ils missils en dumonda. Nossa ambassada ha dentant repatrà la bara d'in'uffrenda americana da la crisa, maior Rudolf



Sacha Zala, director dals Documents diplomatics svizzers.

MAO

Anderson (1927-1962). Ils 27 d'october pilotava Anderson in aviuin d'exploraziun da l'aviatca militara sur la Cuba; in missil sovietic S-75 Dvina ha sajettà l'aviuin isolà. President John Fitzgerald Kennedy (1917-1963) ha lura conferì a l'uffizier barmier la «Air Force Cross», motivond lezza distincziun cun in necrolog che scheva t. a.: «Dals 15 als 27 d'october 1962 ha'l pilotà l'aviun U-2 (...). En lezs dis da gronda crisa nazionala, ha'l pers la vita en aviuin senza convoi e senz'armas ('an unescorted, unarmed aircraft'). Durant quellas missiuns ha'l fatg fotografias che han furnì a la regenza dals Stadis unids provas persvasivas da l'introducciun en Cuba da rachetas d'as-

sagl a lunga distanza; quai ha gidà nos manaders a planisar lur acziun militara e diplomatica.» Pir ils 5 da november ha Stadelhofer pudì rapportar a Berna ch'el haja pudì organisar il repariament da la bara suenter grevas tractativs cun La Havana e grazia al sustegn d'U Thant sez (dodis.ch/30382). Toccs da l'aviuin d'Anderson pon ins anc vesair en trais museums da Cuba, perdigras d'in conflict ch'avess bunamain mess ad ir in Terza guerra mundiala cun diever massiv d'armas nuclearas.

Fuontas: Sacha Zala, director dals Documents diplomatics svizzers, *Haillwylstr. 4, 3003 Berna*. Posta electronica: sacha.zala@dodis.ch. Tel. 031 325 12 36 u 079 711 45 23.